



FAFANA



Volana Janoary 2023 - Laharana 232 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2²

GAZETY AVOAKAN’NY FJKM ANKADIFOTSY ISAM-BOLANA

SSaAF ➤ 6 Firariantsoa sy tetikasa 2023



FINARITRA I



Fa hoy ny Tompo : “Aza mahatsiaro ny lasa na misaina ny taloha. Indro izao efa hanao zava-baovao. Koa ankehitriny dia efa mipo-saka izany.” Isaia 43:18-19

Ry havana malala,
Ry kristianina Havana,
Ho aminareo anie ny fiadanana.

Arahabaina nahatratra ny krismasy sy ny taona vaovao 2023. Ny fiandonan’ny taona tahaka izao dia fotoana sarobidy sy fanararaotra ho an’ny tsirairay sy ny fianakaviana ary ho antisika fiangonana, na ny sampan, na sampan’asa, na fikambanana, na vao-miera, na komity. Fotoam-pandinhanterna, hitodihana ny lasa, hiatrehana ny

“Mpahary izao rehetra izao ny Tompo.”

Ankehitriny, ary hibanjinana ny hoavy. Ho an’izay nahita fahombiazana sy nana nainanana tsaratsara kokoa, dia maniry ny fitohizan’izany. Fa ho an’izay tsy nahita masoandro nihiratra fa trapahasahiranana sy olana namakivaky ny taona lasa iny, dia mba miandranda fiaianana tsaratsara kokoa, ka mihevitra izay paikady hahitam-pahombiazana. Zava-dehibe ho antsika eto am-piandohan’ny taona ny lohahevitra vaovao mandritra ity volana Janoary ity hoe “Mpahary izao rehetra izao ny Tompo”. Fanehoana mazava izay fa nisy talohan’izao rehetra hita izao ny Tompo, Izzy no mitondra sy mihazona izao rehetra izao. Izzy no mifehy ny trangan-javatra rehetra miseho eto amin’izao ontolo izao. Tsy natao na isan’ny voahary fa efa misy rahateo Izzy. Efa nisy hatrizay hatrizay Izzy.

Koa adinoy ny lasa nataantsika rehetra, atreho ny ankehitrinintsika, bannjino ny hoavy, ka onero sy hanaovy ezaka manokana izay mety ho tsirambina.

Ankino sy apetraho amin’ny Tompo ny fiainan-koavintsika rehetra, ary matokia Azy fa ataony tanteraka Mpahary sy mahay ny zavatra rehetra Izzy, ary tsy misy zava-mahagaga izay tsy hain’Andriamanitra.

Manoloana ny trangan-javatra rehetra hatehintsika mandittra ity taona ity, dia raiso ho hery sy toky ho anao ny te-nin’ny Tompo hoe “Matokia fa Izaho ihany, aza matahotra (Mar 6:50), zanany isika, asany isika, eo foana Izzy ary vonona ny hiadidy ny fiaianantsika hattramin’ny farany”.

Ny Mpitandrina Ravaloson

FIAINAM-PIANGONANA ➤ 5

SAMPANA FIFOHAZANA SY
VAOMIERAN’NY ASA SOSIALY
Noely ho an’ireo
sahirana karakarain’ny
fiangonana



FIAINAM-PIANGONANA ➤ 2

Taom-piasana FJKM 2023
Hosokafana eny
amin’ny Coliseum
Antsonjombe ny
alahady 15 janoary



Taom-piasana FJKM 2023

Hosokafana eny amin'ny Coliseum Antsonjombe ny alahady 15 january


Toy ny fanao isan-taona, dia amin'ny fomba manetriketrika hatrany no hanokafan'ny FJKM ny taom-piasany amin'ity taona vaovao 2023 ity. Eny Antsonjombe no fotoana amin'ity.

Hotanterahina eny amin'ny coliseum Antsonjombe ny Alahady 15 Janoary 2023 ny fanompoam-pivavahana fanokafana ny taompanomoana 2023 izay hotarahan'ny foibe FJKM. Haina amin'izany ny Mpitandrina sy ny Kristianina rehetra tsy ankanavaka ho tonga hidera sy hankalaza an'Andriamanitra. Fa amin'izany koa no hitondrana amim-bavaka ny Filohan'ny FJKM mianakavy sy ny taom-piasana 2023.

Toa izao ny ho fandaharam-potoana eny amin'ny Coliseum ANTSONJOMBE :

amin'ny 7 ora hatramin'ny 9 ora maraina dia hisy asa sy fampaherezana hiarahana amin'ny Mpriandy FJKM.

Amin'ny 9 ora sy sasany maraina: fanompoam-pivava-



Ho vory lanona toy izao indray ny mpino FJKM amin'ny 15 Janoary izao etsy Antsonjombe.

hana ho fitondrana amim-bavaka ny Filohan'ny FJKM mianakavy sy ny taom-piasana 2023.

Fandaminana iombonana ho an'ny rehetra amin'io fo-

toana io: mihidy avokoa ny Fiagonana amin'ny Synod-damparitany efatra eto Antananarivo (SP10; SP11; SP12; SP19). Hisy kosa toerana mano-

kana ho an'ny isaky ny Synod-damparitany ary hitondra "Banderoles" ny isam-piagongana, samy hanao ny famanina ny Sampana rehetra ary hiara-mipetraka amin'ny Synod-damparitany misy azy ihany. Mitondra « Badge » avokoa ny Mpitandrina rehetra fa hisy toerana voatokana ho an'ny Mpitandrina mivady avy, amin'izany.

Fa mialoha io fanompoam-pivavahana hatao eny amin'ny coliseum io, dia hisy ny fanompoam-pivavahana fanokafana ny taom-piasana ho an'ny mpiara-miasa eo anivon'ny FJKM Foibe izay hatao ny 4 Janoary 2023 eny amin'ny FJKM Andrainarivo Fahasoavana, hiatomboka amin'ny 8 ora maraina.

Nanangona Fifi Av

Foibe FJKM

Famaranana ny taom-piasana 2022



Teny amin'ny Katedraly FJKM Analakely no nanakatonana ny taom-piasana 2022.

Nambarany fa Ilay tompon'ny fanjakana dia ny Avo indrindra.

Ny faharoa dia ny hisafidiana nana ny ho olomasin'ny Avo

indrindra. Ary ny fahatelo farany : Mahareta ho olomasin'ny Avo Indrindra.

Nisy ny fakana sary nia-raka tamin'ny filohan'ny FJKM sy ireo mpiasan'ny trano printy FJKM, ny SAF FJKM, ny mpisia ao amin'ny rihana voalohany hatramin'ny fahenina. Nofaranana tamin'ny fizara fanomezana ho an'ny mpisia izany, nentina niatrehana ny fetin'ny krismasy 2022. Marihana fa ny Alarobia 4 Janoary 2023 no fanompoam-pivavahana fanombohan'ny taom-piasana 2023 tao amin'ny FJKM Andrainarivo Fahasoavana.

Rojo RAMARO

TSY HARITRA

Finoana sa filatroana ?...

Nelohina sy nalana tamin'ny andraikiny maha-pretra azy ity pretra orthodoxe rosianina iray satria nanao asa filatrala lamaody ny vadiny. Pretra orthodoxe tena nankafizan'ny mpino tao amin'ny eglisy notarihany i Père Sergiy hatramin'izay. Tsy mbola nanana olana na disadisa izy na tamin'ny mpino, na tamin'ireo lehibeny ao amin'ny diosezy misy azy. Vao tsy ela anefa izay, dia nitranga tany anatin'irony tambazotra sosialy irony (Facebook) ny sarin-dRamatua vadiny, nitafy fitafiana mampidera vatana, tany amina lanonana filatrala lamaody, bika aman'endrika. Nanomboka teo, dia voaantso tany amin'ny biraon'ny diosezy i mompera Sergiy ka nahazo sazy henjana : ho esorina tsy ho pretra intsony satria tsy mendrika ny namoahan'ny vadiny ireny sary miboridana ireny any anaty tambazotra sosialy. "Zon'ny pretra orthodoxe sy ny vadiny, hoy ny Diocese, no manao ny fiainan'izao tontolo izao, fa tsy mendrika kosa ny hamoahana ampahibemaso ireny karazana sary ireny". Eto am-piandrasana ny didy fanesorana azy amin'ny andraikiny, dia nalefa sesitany any amina tanana kely ambanivohitra i mompera Sergiy. Hatraiza tokoa moa, araka izany, no fetran'ny fihetsika azon'ny religiozy atao na tsia ?

RH



FANTARO

Baraka

Lehilahy Israelita i Baraka, zanakalahin'i Abinoama. Sahy namaky ady tamin'i Sisera mpanjakan'i Syria rehefa naangona olona 10.000 teo ambany fitarihan'i Debora mpaminany vavy izaynofidian'Andriamanitra hitarika ny zanak'Iraela raha niady tamin'ny fahavalony dia ny kananeana, izy ireo tamin'izany. Mpits.4

Na dia malaza amin'ny fiteny aza ny hoe «afa-baraka» dia voatanisa ho anisan'ny olon'ny finoana miaraka amin-dry Gideona sy Samsona kosa i Baraka any amin'ny Heb.11: 32.

Nanangona fifiav

FANABEZA

Ankohonana mivelatra, izaho mankafy ahy

Rehefa mandinika ny ao anantsika isika, ka mijery ny faniantsika lalina, dia tsy misy ny haniry hahantra, fa na tsy hoe hanan-karena aza, dia mba maniry hanana ny ampy ihany. Tantona iray iriantsika foana ho antsika ny zavatra ao an-tsaintsika. Misy anefa ireny ao an-tsaintsika ireny ao mitondra antsika amin'ny vokatra tsy mahomby eo amin'ny fainantsika. Fa inona kosa no mahatonga ny fiainan'ny hafa mety heverintsika ho mahomby?

Ny vokatra hitanao eo amin'ny fiainanao izao, dia fitambaran'ny hetsika nataonao, nataon'ny ray aman-dreninao, ny nitaiza anao, ny manodidinao anao, ny fianaranana norantovinao, ny zavatra ninoanao, ny kolontsain'ny toerana nitaizana anao, ary ny soatoavina nosafidiana hotazonina.

Rehefa marobe ireo fihetsika tsy mampiseho fitiavana tsy misy fepetra tany amin'ny fahazazana, dia miteraka hetsika fiarovan-tena tsy ahafahana mifandray amim-pitiavana aty amin'ny ankehitrinintsika izany.

Ny fiainan'ny hafa jerentsika ireny, dia fitaratra eo alohantsika, maneho antsika ilay lafin'ny iray eo amin'ny fiainantsika tsy nananantsika, na nananantsika fa very, na tsy tantsika hiainana itsony.

Hamadika taona iray isika, foatana mety tsara izao taona vaovao izao hametrahana dingam-pitomboana. Ny tanana feno zavatra tsy ho afaka handray zavatra...

Andao horaisintsika am-piunoana ireto taridalana omen'ny Raintsika antsika ireto, mba handroantsika hanangana tanjona tsara, mety ho ahy sy ho anao manokana ho amin'ity taona 2023 ity:

1. Moa ny soa ihany va no horaisintsika avy amin'Andriamanitra, fa tsy ny ratsy koa? Tam'in'izany rehetra izany dia tsy nanota tamin'ny molony Joba. Joba 2 : 10b

Misafidy aho hijery ny lafin-javatra tsara amin'ny zava-miseho rehetra mitranga eo amin'ny fainako. Ny manao zavatra tsy mety koa dia anisan'ny dingam-pitomboana eo amin'ny fiainana. Tsy hijanonana ela fa handraisana

4. Tsara izany, ry mpanompo tsara sady mahatoky ; nahatoky tamin'ny kely hianao, dia

hotendreko ho mpanapaka ny be; midira amin'ny fifalian'ny tomponao. Mat 25 : 21

Mifidiana fahaiza-manao iray tianao ho velarina. Atobahy ao ny herinao sy ny fotoananao hivelaran'ny talentanao iny.

5. Fa hahazo hery hianareo amin'ny hilatsahan'ny Fanahy Masina aminareo, ary ho vavolombeloko any Jerosalema sy eran'i Jodia sy Samaria ary hatramin'ny faran'ny tany. Asa 1 : 8

Ny Fivahinianantsika eto antany, dia lalana. Lalam-piaianana ilaina hankafizina satria hampianatra antsika, hampiharihy amintsika ny tsy fantatsika eny amin'ny hafa. Ny tsy haintsika voalohany tokony hofantarintsika dia NY TENANTSINKA.

Ny Tompo anic hampitombo izany FITIAVANY ao am-pontsika izany ka HANEKENTSIKA ny tanan'Andriamanitra miasa eo amin'ny fiainantsika amin'ity taona vaovao 2023 ity. Ary hanaovantsika dingana izao anio izao hanana fihetsika amim-pitiavana Aminy.

Nini RATSIMATAHOMANANA

Oniversite FJKM Ravelojaona (ONIFRA) Famoahana ny "andiany ILO" teny amin'ny CCI Ivato

Marobe hatrany ireo mpianatra mivoaka avy amin'ny Oniversite FJKM Ravelojaona (ONIFRA) ka ny andiany nisalotra ny anarana «Ilo» no nivoaka farany teo.

Tontosa teny amin'ny CCI Ivato, ny 02 Desambra 2022 tamin'ny 9 ora maraina, ny famoahana tamin'ny fomba ofisialy ireo mpianatry ny ONIFRA, "andiany ILO".

Fanompoam-pivavahana no nanombohana ny fotoana, ny filohan'ny FJKM Andriamahazosoa Ammi Mpitandrina no nitory ny Tenin'ny Tompo; ny Sal 92: 10b "Mihosotra DILLOILO vaovao aho" no nakanana ny hafatra, koa araka ny anarana izay nisaloran'izy ireo "ILO" dia natao filamatra ny hoe: «Raisiko ny Ilo, ampiasaiko ny Ilo, zaraiko ny Ilo».

Taorin'izay no nanolorana ny maripahaizana «Licence» ho an'ny mpianatra miisa 272, ary mpianatra miisa 17 hafa kosa notolorana ny maripahaizana «Master» samy amin'ny sampam-pianaranana misy azy avy. Mpianatra avy any amin'ny faritra efa misy ny



Ireo mpianatry ny oniversite Ravelojaona nisalotra ny anarana « andiany Ilo ».

ONIFRA izy ireo (Antananarivo, Ambatolampy, Arivonimamo, Moramanga)

Marihana fa zanaky ny fiangonana FJKM Ankadifotsy ny sasany tamin'izy ireo, ary anisan'izany ny major-n'ny Master.

Nifarana tamin'ny fifandimbiasam-pitenenana'ireo tomponandraikitra eo ani-

von'ny ONIFRA ny fotoana. Mampanantena izy ireo fa miezaka hatrany amin'ny fanatsarana ny fampianarana rehetra, ara-tsaina, vatana, fa indrindra ny ara-panahy. Misy ny culte isaky ny talata maraina, asa sy fampaherezana isaky ny talata fahatelon'ny volana, izay mampiavaka azy amin'ny maha university FJKM azy.

Ankoatra izay, ny tanjona manaraka dia ny hanokatra ONIFRA any Toamasina. Ny fanokafana ny taom-pianarana vaovao dia kasaina hatao ao amin'ny Lapan'ny fanatanjan-hantena Mahamasina ny Alakamisy 19 Janoary 2023, izay hotarhan'ny filohan'ny FJKM hatrany.

Malala Andriniaina

RABEHARISOA Rakalojanjahary Fitiavana Antraniavo mivady Famaranana ny jobily fisotroan-dronono ny Sabotsy 17 Desambra 2022

....fa ny fahalemeko no fahatanjahako" (2 Korintianina 12 : 10b)

Tontosa ny Sabotsy 17 desambra 2022 tao amin'ny FJKM Ankadifotsy ny fanompoam-pivavahana famaranana ny Jobily fisotroan-dronono an-dRamotoa RABEHARISOA Rakalojanjahary Fitiavana Antraniavo mivady. Ny mpitandrina ANDRIAMAMPIANINA Zo Nantenaina avy ao amin'ny FJKM Andratrehana sady Birao Sekoly Alahady Foibe no nitarika ny fotoana. Ny komity no namaky ny Soratra masina ary ny mpitandrina ANDRIAMASINORO Fidimalala avy ao amin'ny FJKM Ambavahadimitafo no nitondra ny Tenin'Andriamanitra "...fa ny fahalemeko no fahatanjahako" (2 Korintianina 12 : 10b). Hafatra 3 no nambarany.

Ny voalahany : Aza matohtra fa lafin'ny miabo ny f-



Lanonganana ny Jobily fisotroan-dronono an-dRto Rabeherisoa R. Antraniavo.

halemena. Ny fahalemena dia nataon'Andriamanitra hitai-zana ny olona mba tsy hirehahany.

Ny faharoa : Andeha hanompo amin'ny fanetren-tenaka ekeo ho fitaizana anao ny fahalemena.

Ary ny farany, dia fantaro ny fetranao.

Ny mpitandrina RANARIVELO Charly avy ao amin'ny FJKM Miadanarivo Fihavaozana no nanao ny vavaka setriny. Nisy ny Fintina sy Fantina momba ny hazakazaka masina vitany; ny momba azy sy ny fianakaviani, ny sehatry ny asa ary indrindra ny fanompoany. Ny mpihiran'ny Farimbona Anka-

difotsy, ny AFIA Prise, ny RFF Amparibe Famonjena no nana-fana ny fotoana.

Tratra ny tanjona ho an'ny komity, nisy araka izany ny nanolorana taratasy misy ny mari-bola natolotry ny Filoha mpanampy ny Birao Mpiaindrakitra Foibe Atoa RAZARASOA Timoty sy ny filohan'ny Komity ny Jeneraly Fidy ; tany mirefy 2a 50 ca no tsangambato eny amin'ny Fokontany Ankasina, Distrik'an-Tantanarivo Atsimondrano, kaominina Ambohijanaka. Maro ireo vahiny nasaina no tonga, anisan'izany ny Doyen de la Faculté de Théologie Am-batonakanga Atoa RAMAMBASON Laurent, ny vadim'ny filohan'ny FJKM teo aloha, ireo mpitandrina mpiara-miasa, ny mpias'an'ny foibe FJKM, ny namanana sy tapaka ary ny fianakaviana manontolo.

Rojo RAMARO

Synodamparitany larivo Avaradrano Mpitoriteny sy Katekista manoloana ny toetr'andro ankehitriny

Fivoriambe no natao ny Zoma 2 Desambra 2022 tao amin'ny FJKM Ambohinaorina Sabotsy Namehana. Ny Tale nasionalin'ny SEFALA Foibe ny mpitandrina RABELAZA Honorat Ratsimbason no namelabelatra tamin'ny alalan'ny fampianarana ny lohahetivitra :"Ny Mpitoriteny sy ny Katekista manoloana ny toetr'andro ankehitriny". Marobe no nivoaka SEFALA, kanefa maro be ihany koa ny tsy mandray anjara na amin'ny hazaka-

zaka masina na amin'ny famotoana Filazantsara ny nosy Madagasikara noho ny lamina sy ny andraikitra tsy voasoritra tsara. Izany indrindra no nanesika ireto mpanompon'Andriamanitra ireto hivondrona satra ny mitabe tsy lanin'ny mamba, ny mamba sy ny forongony anefa efa miely patrana eny amin'ny tontolo iainana. Misy ireo nanolo-tena hitarika ao anaty birao vonjimaika izay nankatoavin'ny maro tao anatin'ny tapany fa-

hatelon'ny fotoana. Mialoha ny fanompoam-pivavahana dia nisy ny fanomanam-panahy notarhan'ny mpitandrina Haingomampianina Volanasoa. Mazava tsara ary ho raisina manontolo ny fampianaran'ny Tale nasionaly SEFALA ho entina manatanteraka ny vina. Koa hajoro sy hapetraka ny Birao raikitra hitondra ny fikambanana ny zoma 17 febroy 2023 amin'ny 9 ora maraina ao amin'ny FJKM Ambohinaorina ary hanasana

ny Mpitoriteny sy ny katekista eto larivo Avaradrano.

Koa raiso ny andraikitrao, mirotsaha eo antanim-boaloboka, fa ireto aloha ireo tapakevitra hikarakara sy hanomana izany : RAZAFIMAHEFA Luc, ANDRIAHA-RIANJA Hugues, RAVELOJAONA HajaVololona, RAZAFINDRASATA Claude, RABENARISON Philibert, RAKOTOMANGA Christian.

Rojo RAMARO

Alahadin'ny Sampana Sekoly Alahady manerana ny sahan'ny FJKM Fankalazana ny faha-130 taonan'ny Sampana

Ny Alahady 11 Desambra 2022, no Alahadin'ny Sampana Sekoly Alahady manerana ny sahan'ny FJKM. Nanamarika izany isika eto amin'ny Fitandremana, ka anisan'izany ny fankalazana ny faha-130 taonan'ny Sampana. Nisy araka izany :

Ny fankasirahana an'i Ramatoa Randriantsizafy Marie Esther, noho ny 70 taona nampianarany Sekoly Alahady. Notolorana "certificat" sy mari-pahatsiarovana izy tamin'izany.

Nandritra ny ora fianarana Sekoly Alahady kosa, dia nisy ny fanapahana mofomamy sy fizarana "choux à la crème" ny mpianatra sy ny mpampianatra ary ny mpandrahara rehetra ato amin'ny Sampana.

Tao anatin'ny fanompoam-pivavahana faharoa kosa no nanolorana fankasirahana ireo rehetra nandray anjara tamin'ny hetsika fankalazana ny tsingerin-taona : logo, hira faneva, mpitendry, Hay Soratra Masina.

Notolorana : "medaille", "certificat", boky, sary, harona, "polo"; araka ny laharany avy ireo mpandray anjara.

Tamin'ny fandraisam-pitenenana'ny Talen'ny Sekoly Alahady, Zoky Rija no nanambarany ny fiainan'ny Sekoly Alahady ato amin'ny Fitandremana: 700 eo no isan'ny mpianatra ary 120 kosa ny mpampianatra. Ahitana ny kilasy rehetra ato, ao koa ny kilasin'ny "autiste", ny "tokantrano sambatra", ny diniho ny Soratra Masina. Manaraka fiosfanana ireo mpampianatra. Ny mpianatra kosa dia manatrika fihaonam-be izay sehatra ivoarana ivelan'ny ato an-trano. Miavaka ny mpianatra sy tanora mianatra Sekoly Alahady fa hafa koa ny Ray aman-dReny mandefa ny zanany mianatra Sekoly Alahady. Fanekena atao amin'ny batisa mantsy ny fampidirana ny zanaka hianatra Sekoly Alahady. Koa manentana ireo Ray aman-dReny hampiditra ny zanany ao amin'ny Sampana.

Ny Filohan'ny Komity kosa no nitondra ny teny fisaorana an'Andriamanitra noho ny fahavitan'ny asan'ny komity sy ny nitananay ny Sekoly Alahady nandritra izay 130 taona izay. Fisaorana kosa no natolotra ny Mpitandrina mivady, ny fiangonana, ny mpihevi-draharaha, ny biraon'ny fiangonana, ny biraon'ny Sekoly Alahady, ny biraon'ny Komity, ny vaomieran'ny Hay Soratra Masina, ny Afifab, ny Tompo hamaly soa anareo noho ny fanolaran-tenanareo ho Azy.

Teo am-pamaranana dia natolotra ny tatiry ny komity ary nohiraina ny hira faneva (tonony sy feony : RABEMANANJARA Rija).

"Anaka, mihainoa, ka raioso ny teniko."

Harilalaina A.



Rto Marie, notolorana "certificat" noho ny faha-71 taona nampianarany sekoly alahady.

SAMBARA... Fa miharatsy izao fiaianana izao

Mbola mivolombolon'andro fety ny fotoana ankehitriny, mbola samy seriny amin'ny fifampiarahabana nahatratra ny taona vaovao 2023 ny maro, indrindra moa ireo manan-katao. Misy kosa anefa no mianina amin'ny firariantsoa, asa anefa na fahazarana fotsiny ihany: tsy vokatry ny fo, tsy mandon'ny fanahy fa tsianjery ihany, tenenina dia izay na mba tena nasesiky ny fitiavana ka mba hanjary ho toy ny tsodrano zavamahery ho an'izay omena azy.

Ny zava-misy iainan'ny ankamaroan'ny olona ankehitriny mantsy dia toa manakona ny hahitany ny soa eritreretiny: miron-gatra ny aretina; tsy miroa fo ny mpangalatra sy ny mpanao sintomahery amin'ny asa ratsiny; misesisesy ny lozam-pifamovozana, mihenabe ny fahefa-mividin'ny isan-tokantrano na dia ampiakarina kely hatrany aza ny karama; ary ny tena raharaha dia naharinharin'ny mpitandrina Ranaivoniarivo Tiana Alisoa nandritra ny famelabelaran-kevitra nataony teto amintsika fa tandindonin-doza tanteraka amin'ny firongatry ny zavamahadomelina ny firenena ary tena ef a tonga amin'ny dingana sarotra fehezina mihitsy aza izany ankehitriny, ka dia valaketraka ny maro.

Soa ihany, soa fa sambatra izay manao an'i Jehovah ho tokiny, ary nasehony niharihary izany tamin'ny nahatogavany ho olona tsarovantsika isaky ny andro krismasy, hijanona ho fahatsiarovana fotsiny ve? Sanatria, fa raha efa tonga zanak'Andriamanitra isika noho ny fandraisana an'i Jesoa Kristy dia aoka hatoky fa izay mikasika antsika dia mikasika ny anakandriamason'Andriamanitra (ZAK 2/12), koa mifahara ary Aminy ka aoka hianoka ny te-niny sy fitohofana aminy amin'ny alalan'ny vavaka sy ny asa tsara rehetra ao anatin'izao taona vaovao izao.

Sambara ary, fa arakaraky ny hiharatsian'izao tontolo sy fiaianana hitantsika izao no hihariharian'ny fahatsaran'Andriamanitra raitsika amin'ny alalan'jesoa Kristy Tomponsika. *Katsaho Izzy (Jer 29:13), ary mifankazara Aminy dia hiadana ianao* (Joba 22:21), samia tahian'Andriamanitra.

L'AHM

TONONKALO

Iny taona lasana iny...

Iny taona lasana iny, taona sarotra tokoa Fa tsy mba nahitana soa ?

Taona iray nahavariana tamin-javatra tsy tsara, Mety hanimba ny tantara ?

Tolomy 'zao Jehovah, mibebaha dia miverena Fa hahazo famonjena !

Famonjena hanao ahoana hoy ianao, No mety hoe anjaranao ?

Zara hoe kisendrasendra tsotra izao, Sa ...tena hoe kinendry ho anao ?

Jesoa Zanak'Andriamanitra, Tompon-kery tsy voafaritra !

Io Zanaka io moa fantatrao Fa Zanaka tsy mety hanao Ankoatr'izay nataon'ny Ray, Hany Ray mandrakizay ?

Zanaka manaja Ray, Zanaka manaha-dRay !

Ary ianao mba ahoana ? Inona no mba tsaroana ? Vita ve ny fanompoana, Zara asa nanoloana ?

Ny Zanaka ary ndeha hajao, 'Zay nataony ndeha hatao !

Dr Randriamahazosoa Boanerjesy Olivier

MAZOTOA HOMANA

Croquette de pomme de terre

Zavatra ilaina : ovy 1kg, atody 3, poitka mofo (chapelure) 100g, menaka, sira sy dipoavatra.

Fomba fikarakarana azy : Voasana ny ovy dia andrahoana boribory ao anaty vilany avy eo mandritra ny 20mn. Tsihifo

avy eo dia pot-seho ho lasa purée ao anaty lovia jobo. Alefaso ao ny atody 2 dia afangaroy tsara, alefaso ihany koa ny sira sy dipoavatra. Avereno potsehina tsara indray

mba hifangaro tsara izy rehetra teo. Volavolaina haza boriborikely na efajoro (arakaizay endrika tianao) maromaro ilay ovy avy eo. Kapohy ao anatin'ny vilia hafa ilay atody iray farany, ampada-lovy ao ilay ovy ary avy eo alefa ao amin'ilay chapelure indray. Hafanao ny menaka ka endaso mandritra ny 5mn ao ilay ovy vita boribory teo. Avadibadio matetika mba tsy ho may. Rehefa mahazo loko dia azo esorina amin'izay.

Raha tiana hihavaka dia azo asiana jambon , a fomazy eo ampovoan'ilay ovy. Arosoy miaraka amin'ny salady fa ho hitanao fa ho tsara ny tsirony. Mazotoa homana indray àry tompoko!

R.Sidonie

MBA SAINO

Matoa ianao mbola velon'aina
Ka mahatratra izao andro anio izao
Nomen'ny Tompo fofon'aina
Koa Deroa sy Ankalazao llay Andriamanitrao.

Aza avela handalo foana
Ny tombonandro, talenta Omeny anao
Fa ampiasao amin'ny fotoana
Izay hampanompony anao.

RTH (Rakotoarivelo Tojo - Hery, 10/12/22, 18h)

Fianjaika

Ny fitafy fitondra mianjaika amin'izao andro fety izao no entina aminao, hakanaao hevitra.

R.Sidonie



Ny paiso

Ireo otrikaina hita ao amin'ny paiso :

B1, B2, B3, B5, B6 – C – E – CALCIUM – CUIVRE – FER – MAGNESIUM – MANGANESE – POTASSIUM – PHOSPHORE – SELENIUM – SODIUM – ZINC...

Ireo soa azo avy amin'ny fihinanana paiso :

- Manatsara ny fiasan'ny tsinay ary manampy ireo olona mitohana
- Mampidina ny tahan'ny menaka ao anaty rà
- Manakana ny mety ho fahatapanan'ny lalandrà
- Miady amin'ny homamiadan'ny rà sy ny tsy fahampian'ny rà
- Manadio ny rà



- Mandrindra ny lanjan'ny vatana
- Mampidina sy mandrindra ny tahan'ny siramamy sy ny menaka ao amin'ny rà

- Miady amin'ny diabeta
- Manatsara ny hoditra ho salama sy tanora lalandava

- Miaro ny sela tsy ho harafesenia
- Manampy amin'ny fandevonan-kanina
- Manampy ireo olona voan'ny goutte sy aretin'ny vanintaolana
Voaravaka voankazo maro loko maha-finaritra ny eny an-tsena rehefa volana desambra toy izao. Anjaranao ny misafidy izay mety aminao. Mba hitondra fahasalamana ny fihinanana azy ireny amin'ny antony.

Fanja RAVELOARIJAONA

SAMPANA FIFOHAZANA Noely ho an'ireo sahirana karakarain'ny fiangonana

Araka ny fandaharam-poan'ny SaFif dia ny alarobia 14 Desambra 2022 no nananterahana ny fizarana harona na hitana entana ilaina amin'ny fiainana andavanandro (vary, menaka, vovon-tsavony) ho an'ireo sahirana eto amin'ny Fitandremana Ankadifotsy. Tokantrano 120 no nisitraka izany. Nialoha ny fizarana dia nisy hatrany ny fanompoam-pivavahana ka Dadatoa Ramantriaina Rija no nitarika ny fotoana, Nenitoa Rasoaivo Anna kosa no nitondra ny hafta tao amin'ny filazantsara Masina araka an' i Matio 18: 18-20.

Nambarany tamin'izany fa fotoana famelana heloka sy



Mpitandrina Ravaloson, manolotra fanampiana an'ireo sahirana ahian'ny fiangonana

fandinahan-tena izao mba ahafana mandova ny fanjakank'ny lanitra. Mpanota isika ka mila mibebaka fa ny olona madio no miditra ny fanja-

kan'ny lanitra. Ary tsara ny miara-mivavaka sy miara-mangatka amin'Andriamanitra noho ny iray. Nisy ihany koa ny asa sy fampaherezana azy

ireo nandritra izany.

Tsy ny kely indrindra fanisy koa ny fampianaranana nentin'ny Raiamandreny Mpitan-drina ho an'izay rehetra nanatrika teo. Na inona na inona trangan-javatra miseho hoy izy, na inona na inona olana misfamahofaho eo amin'ny fiainana, na ratrain'ny olona amin'izao fomba rehetra izao aza ianao, dia tadidio fa tsy misy maharava ny hasarobidinao eo anatrehan' Andriamanitra. Andriamanitra mamindra fo aminao, Andriamanitra miady ho anao.

Ny alarobia 8 Febroary 2023 indray no fotoana iverenana aorian'ny fialan-tsasatra.

Harilalaina A.

Vaomieran'ny asa sosialy Fihaonana Krismasy niarahana tamin'ireo sahirana ahian'ny fiangonana

Notanterahina ny Alarobia 28 Desambra 2022 tamin'ny 2 ora tolakandro tao amin'ny IFR ny fihaonana Krismasy niarahana'ny Vaomieran'ny Asa Sosialy (VAS) sy ireo sahirana ahian'ny fiangonana, izay nota-rihan'ny Raiamandreny Mpitan-drina.

Fanompoam-pivavahana no nanombohaha ny fotoana, tao-ri'an'izay dia niroso tamin'ny fizarana fanomezana ireo tonga nanatrika ny fotoana ny VAS, ka tokantrano miisa 115 no notolotra valopy, vary, savony ary me-

nak,... Ny VAS ihany koa dia nanampy tamin'ny fampiakanjoana ireo mpianatra Sekoly Alarobia, izay nandray anjara tamin'ny fankalazana ny Krismasy ny andron'ny 25 Desambra 2022 niarakana tamin'ireo mpianatra Sekoly Alahady.

Araka ny nambaran-dRtoa Rindra Rakotoharifetra, mpitantsoraty ny VAS, dia marihana sy ampahatsiahivina fa ny rakintra voalohany voavory nandritra ny fotoam-pivavahana notanterahina ny Alahady maraina, andron'ny Krismasy 25

Desambra 2022, dia narotsaka manontolo ao amin'ny kitapom-bolan'ny Fitandremana, izay natokana ho fiahina ireo sahirana ahian'ny fiangonana ireo, ka ny VAS no notendrena hitantana izany. Entina hanatanterahana ny asa mandritra ny taona 2023.

Fa hoy Jesoa Kristy Tompo ao amin'ny Matio 25 : 40, "... Lazaiko aminareo marina tokoa : Araka izay efa nataonareo tamin'ny anankiray amin'ireto rahalahiko kely indrindra ireto dia nataonareo Tamiko."

Ho an'Andriamanitra irery ihany anie ny voninahitrah, Amen.

Malala Andrinaina.

Fikambanana Sakaizan'ny Baiboly (FSB) Maro ny fiangonana notsidihina tao anatin'ny 40 taona mahery niorenany

Nanantaneraka ny fanatem-bokatra ny Fikambanana Sakaizan'ny Baiboly (FSB) ny alahady 4 Desambra 2022 tamin'izany no nilazan'ny filoha ireo asa vitan'izy ireo nandritra ny 40 taona njoroany tetra amin'ny FJKM Ankadifotsy ny taona 1980, mikambana amin'ny Vaomiera ny Fitriana ny Filazantsara (VFF) ary manana solontena ao amin'ny mpihevi-draharaha. Misahana ny asa anatin'ny amin'ny raharaha iombonana eto amin'ny fiangonana sy ivelany izy ireo.

Eo amin'ny asa ivelany no mampiavaka azy dia mampiely Baiboly mivantana sy manome maimaim-poana ho an'ny fiangonana izay mandefatra taratasy fangatahaha fiaraha-miasa amin'ny fikambanana. Marihina fa ny fiangonana FJKM entin'ny



Fikambanana sakaizan'ny baiboly nitsidika ny FJKM Jerosalema Fiadanana Tsararivotra Toamasina II ny 30 Oktobra 2022.

Katekista izay matetika any ambanivohitra sy any amin'ny faritra no voakasik'izany.

Mandeha any an-toerana ny mpikambana raha mety ny hanovana izany ary miara-mivavaka sy mandray anjara amin'ny fotoam-pivavahana ary manolotra Baiboly 40, manohana arabolay Katekista, mandray

anjara fanampiana raha misy asa ataon'ilay fiangonana tsidihina amin'ny fotoana andalovany.

Ny tanjon'ny fikambanana dia ny hanome Baiboly ho an'ny fiangonana 3 eto amin'ny Synodamparitany manodidina an' Antananarivo ary 1 any amin'ny faritany.

Maro ny fiangonana notsidihina

hina tao anatin'ny 40 taona mahery niorenany toy ny Synodamparitany Iarivo Avaradrano, Synodamparitany Andrefana, Atsimo, Atsinanana, Vonizongo, Mahajanga, Toamasina, Fianarantsoa.

Tohano ny asa fampielezana ny Baiboly amin'ny filatsahanao ho mpikambana Sakaizan'ny Baiboly.

Ny fotoam-pivoriana dia ny alahady fahefatra isam-bolana ao amin'ny Akaninaina ambany.

Marihina fa ny vahavady kely sy ny tohatoha-bato mankany am-piangonana izay manamorona ny arabe atsinanana, ny latabatra masina vita sokitra eo ambany hazo fijaliana ary ny fanavaozana sy fanalehibiazana dia samy nentina nanamarinhina ny jobily faha-20 sy 30 ary 40 taona.

Nanangona Malala Soa

KOMITY FAHA 100 TAONA – FARITANY ANALAMANGA AFIVOANY

Notanterahina ny sabotsy 3 desambra 2023 tao amin'ny Amphithéâtre LTC Ampefiloha, ny fananganana ny komity faha-100 taonan'ny Tily Analamanga Afovoany. Izany dia niantsoana izay rehetra nandalo teto amin'ny Faritany Tily Analamanga Afovoany: dia ireo Filoha sy Filoham-paritany nifandimby ary ireo ekipa mpiray dia tam'in'izany, ireo FMT2S, ireo Komitit-pivondronana, ary ireo Tra-

nainy isam-pivondronana.

Ireto avy ireo mpikambana voafidy handrafitra izany Komity izany:

MPITARIKA

RASAMOELINA Herifidy (Filohan'ny KOPA)

RAVELOMANANTSOA Sedera (Filoham-paritany)

RAFIDINARIVO Joachim (Olobe)

BIKY Misitra (Kalaza)

VAOMIERA

Filoha PETERA (Aim-panahy)

RAKOTOVAO Donatien (Hetsika)

TSIRAO Mikofa (Tsangambato)

ARLETTE (Serasera)

HIRO Misengy (Vola)

RADO (Lojistik)

Jesosy Tompo anie hanafy hery azy ireo, amin'ny fanatantahana ny andraikitra rehetra mbola ho tontosaina.

Fanja RAVELOARIAONA

Krismasy Famonjena Fankalazana ny nahaterahan'i Jesoa Kristy Mpamony

Ny andron'ny 25 Desambra, tamin'ny 3 ora tolakandro, teto am-piangonana, izay andro natokana ho fankalazana ny nahaterahan'i Jesoa Kristy Mpamony, no niara-nidera sy nankalaza an'Andriamanitra tamin'ny alalan'ny tsianjeri, dihy sy tantara, ireo ankizy madiniky ny sekoly Alahady, sy sekoly Alarobia. Maro dia maro no tonga nanotrona izany, indrindra ny ray aman-drenin' izy ireo. Deraina i Jesoa, faly dia faly ny ankizy nampita ny hafatry Noely.

Ny Birao, ny mpampianatra, ary ny mpianatra sekoly Alahady sy Alarobia rehetra dia mirary taom-pitahiana ho an'ny isam-piankohonana amin' izao taona vaovao 2023 izao.

Malala Andrinaina



Hazonoelin'ireo ankizy mpianatra Sekoly alahady.

MTA Hankalaza an'Andriamanitra noho ny faha-35 taona njoroany

"Raiso ny tenin'Andriamanitra ho sabatry ny Fanahy"
(Efesianina 6 : 17)

Homarihana amin'ity taona 2023 ity ny faha-35 taona njoroan'ny Mpamakiteny Ankadifotsy. Tsiahivina fa ny taona 1988 no niorenan'izany fikambanana izany teto amin'ny fitandremana misy antsika. Ny famakiana ny Tenin'Andriamanitra isan'alahady ao anatin'ny fanompoam-pivavahana no anjara fanompoana ataon'izany fikambanana izany.

Andan'izany dia mandray anjara amin'ny hazakazaka masina ihany koa ny mpamakiteny amin'ny fampiofanana ireo fitandremana maniry hiara-hiasa. Ny tanjona dia vaki-teny marina, mazava, miaina ary fanamby no hitsangana'ny rafitra misy eo amin'ny fitandremana.

Hisy araka izany ny tsangambato, dia ny toerana fandraisam-peo na ny "Studio de production" hanotontosana ireo fandraisam-peo perikopa hampiainina sy ny famakarana fandaharana "Hazoto Hamaky Baiboly isan'andro" izay mandeha ao amin'ny radio Fahazavana.

Ankoatra izany, dia misy ny tsangambatom-pinoana dia ny hiainan'ny mpikambana io teny faneva io. "Raiso ny Tenin'Andriamanitra ho sabatry ny Fanahy". Hisy araka izany ny tenin'Andriamanitra ho vakiana isan'andro ho fianana ny teny faneva.

Maro moa ny hetsika mbola hataon'ny komitin'ny faha-35 taona, fa ny voalohany tamin'izany ny famakarana fandaharana ho an'ireo katekomena noraisina ny 7 january 2023.

Misokatra amin'ireo fitandremana rehetra ny fampiofanana ary maimaimpoana avokoa izany. Afaka miantso ny filoha ny mpamakiteny Atoa ANDRIAMPARANY Rafiringa amin'ny laharana 034 21 159 59.

Ny fikambanana MTA dia mirary taona zina ho anao amin'ity taona 2023 ity eo ambany fahasoavan'Andriamanitra.

Rojo RAMARO



Firariantsoa sy tetikasa 2023

Ny isan-tsampana, sampan'asa, asa, fikambana dia samy manana ny tetiandrony avy ho amin'izao taona vaovao 2023 izao. Andiany voalo-hany amin'izany ireto atolotra antsika ireto :

VFL Ankadifotsy - Ny tetikasa 2023

Ny Vondrona Fototra Laika eto amin'ny FJKM Ankadifotsy dia faly miarahaba ny fiangonana manontolo noho izao taona vaovao 2023 izao. Ny fhasoavana anie ho amin'izay rehetra tia an'i Jesoa Kristy Tompontsika amin'ny fitiavana tsy mety le-vona. Efs.6-24.

Anisan' izay ho tetikasan'ny VFL amin' ity taona 2023 ity ny fandraisana anjara amin' ny fanohizan' ny fiangonana ny rihan'ny trano eny amin'ny sekoly IFR. Ny vondrom-paritany Laika larivo Avaradrano dia hankalaza ny faha-25 taonany ny 2023, ho tsangambato amin' izany, hoy ny filoha VFL Henri Andriamanantena, dia trano fandraisam-bahiny any Mahajanga, ka ny mpikambana dia samy handray anjara amin' ireo hetsika 2 lehibe ireo. Ankoatra ireo, ny hetsika anatin'ny tetiandrony synodam-paritany larivo Avaradrano SP. 19 sy ireo taon-jobily samihafa.

Sampana Vokovoko Manga sy Rantsana Fanantenana - Fandaharan'asa 2023

Mirary taom-baovao 2023 feno fahombiazana ho anao eo ambany fitarihan'ny Fanahy Masina izahay ato anatin'ny sampana Vokovoko manga sy Rantsana Fanantenana Ankadifotsy. Tongava mivory manatevin-daharana anay isaky ny Alahady fahatelo amin'ny 10 ora ao amin'ny akanin'aina ambany (ho an'ny SVM), ary isaky ny Alahady hariva amin'ny 2ora kosa ao amin'ny IFR (ho an'ny Rantsana Fanantenana).

Ny programan'ny SVM sy Rantsana Fanantenana amin'ny taona 2023 kosa, hoy ny Filoha SVM Rado Andriambelo, dia toy izao manaraka izao :

- Taom-baovao Rantsana Fanantenana ny volana Febrero
- Taom-baovao SVM ny volana Martsa
- Lasin'asa fananganana SVM any amin'ny FJKM Antanifotsy (misy an'i Pasteur Tovo)
- Fiatrehana ny fihaonambe SVM any Toliara
- Herinandro Manga ny volana Jona
- Hetsika fitadiavam-bola Soupe Garnie (ho fano-hanana ny fiatrehana ny Fihaonambe).

SAFIF FANDAHARAM-POTOANA 2023 SAMPANA FIFOHAZANA.

"Ry malala, mangataka aho mba hambinina sy ho salama amin'ny zavatra rehetra anie hianao, tahaka izay anambinana ny fanahinao ihany." III Jaona 2

Ny filoha, ny birao, ny komity, ny mpikambana rehetra ato amin'ny Sampana Fifohazana, dia mirary taona vaovao finaritra 2023 ho an'ny isambatan'olona, isam-piankohonana eto amin'ny Fitandremana.

Ho amintsika rehetra anie ny fiadanana'ny Tompo.

Tahaka izao manaraka izao ny fandaharam-potoana 2023 ny Sampana Fifohazana eto amin'ny fitandremana Ankadifotsy :

“Zava-dehibe amiko ny ho tonga any an-danitra”



nao... ka tonga any an-danitra aho Andriamanitra ô, tsy mampaninona ahy akory na dia ampitoerinao ao amin'ny tranon'ako-honao aza dia ampy ahy izay !”.

Fa hoy ny Soratra Masina: “Fa izaho dia ny ho akaikin'Andriamanitra no mahatsara ahy.”

Rabeantoanina James Mpitandrina

Nanangona Malala Andriniaina

Arahabaina

“Ary Jehovah Andriamanitra nanao hoe : tsy tsara raha irery ralehilahy, dia hanaovako vady sahaza ho azy izy.” Gen.2. 18

- RABE Rija Alain sy RASOARISOA Eliarivola
- RAMAROSON Hajaniaina Patrick sy MANANJARA Nomena R.
- RAJAobelina Danhy Zoelison sy ANDRIAMANANTENA Hobby Nandrianina
- RATSIMBA ANDRIANAVALONA Niaina Patrick Rick sy HARISOA Emilienne Selsonie Emilie
- RAHAJASON Rojo Niriana sy MIORA HARISOA Virginia
- RATEFIHARISON Rivo Mitsinjo Stephane sy RASAMOELIHASINA Tsiky Ny Aina Mendrika Sariaka
- MIHAJASOA Rova Andrianavalona sy RAZANABELOMANANA Fitahiana
- ANDRIANASOLO Mamy Fandresena sy ANDRIAMBELO Mialy Tantely
- RALISON Tsithohary sy RAJAONARINDIMBY Jessica
- RANDRIANARIVELO Nomenjanahary Rantosoa sy ANDRIAMIHAJA Lovatiana Fanomezantsoa Joséa
- RAKOTOARIMANANA Andoniaina sy ANDRIAMIHAJA Nathania
- RASETAHARIVONY Henintsoa Sitrakiniavo sy RAZAFIVOLOLONA Ravo Mendrika
- RANDRIAJAFISON Tojonaina Larissa sy RAKOTOMANANA Harivola
- RANDRIATSILAVO Nirina Henintsoa sy RAZAFINDRATSIMBA Stéphanie Tiavina Tsimantsahala

BATISA

« ...dia nisokatra ny lanitra, ary ny Fanahy Masina nidina teo amboniny... » Lio. 3. 22

- RABENJA Nirina Jehiela Nomenjanahary
- RAZAKATANDRA Fifalina Haritiana
- RAZAFINDRAJERY Harimanantsoa Aylan
- RAZAFINDRAJERY Ambinintsoa Anlyh
- ANDRIANTSEHENO Paule Mihary Soa
- Ny HASINA RABENATOANDRO Misca
- ANDRIAMANDROSO Aria Naomie
- HASIMBOLARIMANANA Tianay Warren
- RAZAFINDRAKOTO Antema Iderana
- RANARIMANGA Miharana Ny Soa
- ANDRIAMAMY Aroniaina Mik Naomi
- RAKOTONIRINA Harena Vatosoa
- RAKOTOARIVONY Tiavinaina E.
- RAKOTOARIVONY Valimbavaka Todisoa Anyah
- RAKOTOARIVONY Maminaina Ariel

TSARA HO FANTATRA

Fandaharam-potoana maro no nasiam-panovana nanomboka ny volana Aprily teo. Toy izao manaraka izao izany :

- Ny alahady fahatelon'ny volana sy alahady voalohany dia misy ny Fandraisana fanasan'ny Tompo koa amin'ny 06 ora sy sasany amin'ireo fotoana ireo ny fidirana voalohany .

- Ho an'ireo manana tsy salama na raiamandreny tsy afaka mamonjy fotoam-pivavahana dia afaka milaza ao amin'ny mpandraharaha handaminana ny famangian'ny Mpitandrina any an-tokantrano isaky ny alakamisy.

- Ny alahady farany amin'ny volana no anantanterahana ny Ankatoka ka manomboka amin'ny 09 ora, Ankatoka : fanomanam-panahy amin'ny Fandraisana fanasan'ny Tompo ary fandaminana ireo raharahan'ny fiangonana avy any amin'ny mpihevi-draharaha.

- Ny Katekomena dia mianatra isaky ny alahady ary miditra amin'ny 2 ora hariva

- Ireo taratasy rehetra am-pandalovina mpihevidraraha kosa dia ny alahady faharoa farafahatarany no tokony ho tonga ao amin'ny mpandraharaha

- Ny fandrais'an'ny mpitandrina ny vahoakan' Andriamanitra dia isaky ny Talata sy Alakamisy amin'ny 3 ora ao am-pianganana.

- Ireo hanao dinika batisa sy mariazy kosa dia ao amin'ny Mpandraharahan'ny fiangonana Atoa Ravoajanajary no maka ny dinidinika momba izany mialoha ny hiaonana amin'ny Mpitandrina.

Taom-pifohazan'ny fifankatiavana

Taom-baovao - ifampiarahabana

Faniriana maro sesehena izao no ifampiarahabana fa taona vaovao no itsahana. Faly ery miara-misakafo, miara-mikorana mandihy, mifanroka, sy tarehy feno tsiky no hita. Mifindra io fifaliana io rehefa mifanena ny mpifankatia, na olon-droa na mpiarahalahy, na mpianadahy. Mirenty fifaliana ny toeram-pivavahana mitsaoka Ilay Mesia Mpamony hatramin'ny fankalazana ny krismasy. Samy nankalaza herinandro sambatra ny kristianina mahatsiaro fa nambinina sy maly fitia Azy Ray.

"Ray ô! Mbà faniriako raha toa ka sitrakao, ny handova lanitra dieny ety an-tany ;

Kanefa tsy izaho ireny, fa ireo izay mino Anao, hiaraka amiko hatrany hatrany!" - Fihirana fanampiny 39

Anisan'ny faniriana mavesa-danja io hiraina mandavan-taona io, ary tsy vitsy no mihetsi-po sady mivetso mihira. Maro ireo hira mitaona hanatona an'Andriamanitra Ray, fa rahefa ifotorana ny hevitra fonosiny ity hira iray ity, dia maneho fihirana-mientana hivavaka ho fanavotana ny tena sy ny hafa. Tsy ampy ny mivavaka ho an'ny tena manokana, fa tahaka ny fankalazana ny fandrainana ny taom-baovao, dia tsy manan-danja ny fety raha manao fety irey. Mifanasa sy mifam-



Taom-baovao - Fitiavana tokana mahery

Ny fahatongavan'I Jesoa Kristy dia ho famonjena mitondra fiainana. Ny taom-baovao dia fanomezan'Andriamanitra; endriky ny Fitiavan'I Jesoa izay hery sy lalana ahafhana mitia koa.

Tsara faniriana isika kristianina ny mbà handova lanitra miaraka amin'ireo olona tiana. Ao anatin'ireo olona tiana sy mamy dia misy ny tsy mino. Ny fahazoana ny taom-baovao dia fotoana hanaovana fampantanana, velirano sy fanapanhan-kevitra tsara. Anisan'ireny ny hiovam-piainana sy mbà hanovaana fiainan'ny olona na iray monja aza. Mora ny manova lokon'ny trano fa ny mitondra olona ho amin'ny finoana ho voavonjin'I Kristy dia tsy mora. Tiako ianao, tiako



Fitiavana mamy

pitsidika ny mpifankatia. Maka hevitra hafa eto ny hoe mpifankatia fa tsy ilay olon-droa araka ny mahazatra. Rehefa mifaneho fitiavana dia azo antsoina hoe mpifankatia.

Taom-baovao afaka hanavaozana fiainana ny voalohan-taona ahazoana zava-tsoa:

"*Didy vaovao no omeko anareo, dia ny mba hisfankatiavanareo; eny, aoka ho tahaka ny fitiavako anareo no mba hisfankatiavanareo kosa. Izany no hahafantaran'ny olona rehetra fa mpianatro ianareo, raha mpifankatia.*" - Jaona 13:34-35.

ny hahatsara anao ho tsy misy pentina dieny izao ka mandra-piavin'I Jesoa. Mampiadana io endritiavana io rehefa sahy manonona fitiavana amin'ny hafa.

Maro ady eto amin'izao tontolo izao, ary ny ady sedraina dia manusika hiady amin'ny heerin'olombelona. Ohatra kely iray ny fotoanan'ny fizarana mofomamy. Azo ianarana sy ampiharina mandritra io fotoana io ny fanehoam-pitiavana ka hahafoziana ampahany amin'ny anjara ho an'ny olona tiana. Raha nidina I Jesoa Kristy dia foiny ny voninahitra avo indrindra mbà hamon-jeny izao tontolo izao.

Marina ny tenin'Andriamanitra "fa izao no nitian'Andriamanitra izao tontolo izao; nomen ny Zanani-lahy tokana, mba tsy ho very izay rehetra mino Azy, fa hanana fiainana mandrakizay" - Jaona 3:16.

Misy antony sy endrika maro azo anehoam-pitavana, ka raha azo raisina ho fanapanhan-kevitra sy fampantanana ny hitondra olona iray ho amin'ny finoana, dia tsy ilam-baliny sy tsy ilana doka, fa any an-danitra no voasoratra ny anaran'ireo izay mahavita io iraka io. Raisina ho fotoana ny mifampirary soa sy hery ho an'izay manapa-kevitra haka lalam-piainana ho amin'ny fitiavana.

Jocelyn R.

Fintina toniteny VOLANA DESAMBRA

Alahady 18 Desambra, izay naina tao amin'ny Lioka 12: 32-40

Inona àry ny fiomanana andrasan'Andriamanitra amintsika ? Hafatra 4 no hozaraina amintsika ny amin'izany :

1. Afantohy amin'ilay maharitra mandrakizay ny fo sy saina amam-panahintsika.

Aza variana amin'izao fiainana mandalo sy tsy azo antoka izao, fa mitodiha amin'Andriamanitra ary ataovy zavadehibe ny asany.

2. Mivonóna hiatrika ady.

Esory izay rehetra manelingelina sy mamatotra antsika eo amin'ny fiainana ary misikina an'i Jesoa hahafantsika miatrika ny ady hatarmin'ny farany.

3. Reseo ny aizina.

Aoka hirehitra ny jirontsika, satria izaho sy ianao no fahazavan'Andriamanitra mba hahafantsika mandresy ny

herin'ny aizina rehetra.

4. Miambena

Tsy ampoizina ny fahatongavany ary tsy mampiomanana ny Tompo. Noho izany, atokany hanompoana an'Andriamanitra ny fiainantsika ary aoka hafana fo ny amin'izany isika mba hahazoantsika ilay fiainana mandrakizay.

Amen

Alahady 11 Desambra izay naina tao amin'ny Lioka 19 :11-28.

Inona àry ny tokony hataontsika eo am-piandrasana ny fihavian'ny Tompo ?

Hafatra 3 no omena antsika ny amin'izany :

1. Fantaro tsara ny fanomezam-pahasovana omen'Andriamanitra antsika.

Nozaraina maimaimpoana ho antsika izany mba ho tsapantsika fa fanomezana sarobidy avy amin'

Andriamanitra mba ahafahantsika manatanteraka ny asa fanompantsika.

2. Ampiasao ny talenta nomen'Andriamanitra antsika. Natao fitaovana eo am-pelatanantsika izany mba hambaboana sy handresena lahatra ny olona ho fampandrosoana ny asan'Andriamanitra.

3. Tandremo am-pamoahana ny talenta nomen'Andriamanitra antsika.

Ampiasao araka ny tokony ho izy izany, fa henjana ny fitsarana mety hihatra amintsika eo amin'ny fampiasana izany.

Noho izany, dia aoka isika hahatoky amin'izay nomeny antsika.

Amen

Alahady 04 Desambra izay naina tao amin'ny Apokalipsy 19 : 5-10

Misy endrika 3 ny fiainam-piderana tokony hainantsika:

1. Amin'alalan'ny feo manakoako no hiderantsika an'Andriamanitra: Mila mahay mankalaza sy midera ary manome voninahitra an'Andriamanitra amin'ny fontsika isika, fa ao anatin'izany fiderantsika Azy izany no handrotsahany fitahiana antsika.

2. Amin'ny fitafiana mendrika: Izany hoe nahazo fanasana isika dia mila miomana ary vonona hiara-paly amin'ny Tompo.

3. Amin'ny alalan'ny fiankohofana: Tena manaiky ary resy lahatra fa Azy ny fahefana rehetra ary Izy irery ihany no Tompo sy Andriamanitra.

Amen

Ny nitondra ny hafatra dia Ny Mpitandrina RAVALOSON, FJKM Ankadifotsy

FAHASALAMANA

Tandremo ny vavoninao !

- Talapetraka : eran'ny tanana, ampagotrahana anaty rano 1 litatra, dia atao fisotro

- Papay : atao voankazo fihinana Tandremo ! fa raha tsy mety mitsahatra ny fanaaintainana, dia tsy maintsy manatona mipsabo ianao fa mety ho aretina aty sy ny afero – aretim-po – na « appendicite » sns ... izany.

Ny fisorohana azy voalohany dia ny fahafantarany ny antony :

- Fanafody « anti-inflammatoires » sy ny fianakaviany
- Ny fampiasana ny fanomezantsirotsakafio tafahoatra (épices)
- Ny fiankinandoha amin'ny zavatra

tsy mahasalama (sigara, zava-pisotro misy alikaola sns...)

- Ny raritsaina (stress) sy ny fihetseham-po maro samihafa

- Ny faharatsian'ny ativava

- Ny fihinanana sakafio maloto

Koa tandremo àry ny vavony satria ao no varavarana misokatra tsy hoan'ny aretiny ihany, fa ho an'ny an-kamaroan'ny aretina mahazo ny olombelona mihitsy.

Voninahitra ho an'Andriamanitra

Dr RANOHAVIARIVELO
Gisèle E.



"Fa hevero ny fiantsoana anareo, ry rahalahy, fa tsy firy no olon-kendry araka ny nofo, tsy firy no olona mahery, tsy firy no avo razana" I Kor 1:26

> VOLINTSAINA

Ny fandikan'ny olona ny Baiboly ankehitriny

Amin'izao vanim-potoana'ny andro farany izao dia samy milaza ho manana ny Fahanahy Masina sy ampitenenin'ny Fahanahy Masina avokoa ny anka-maroan'ny mpino, samy maminey... milaza ny hevity ny Soratra Masina, araka izay fotokevitra tiany hijoroana... na araka izay filan'ny olona fotsiny ihany. Marina fa tsy antsika no mifampitsara, kanefa aoka ho mailo amin'ny fampianaran-diso.

«Fa ho ayy ny andro izay tsy hahazakan'ny olona ny fampianaranana tsy misy kilema; fa hanididihy sofina izy, dia hamory mpampianatra ho azy araka ny filany, ary hampiala ny sofiny amin'ny teny marina tokoa izy ka hivily ho amin'ny anganonganano» 2Tim4: 3 fifiav

> PERIKOPA JANOARY

"Mpahary izao rehetra izao ny Tompo."

Alahady 01 Janoary
Gen 2:4-17 - Jao 1:1-5 - Kol 1:15-20

Alahady 08 Janoary
Isa 45:9-13 - Mat 14:13-23 - Rom 9,19-26

Alahady 15 Janoary
Sal. 33:4-11 - Mat 11:25-27 - Apo 4:9-11

Alahady 22 Janoary
Jer 10 :6-13 - Jao 17:20-26 - Asa 17:22-31

Alahady 29 Janoary
Isa 65:17-21 - Lio 17:11-19 - Apo 22:1-5

FAFANA
Mischo isam-bolana
Talen'ny gazety
Ravaloson Mpitandrina

Mpandrindra :
ANDRIANARISON Veronica
RAHAINGOMALALA Sidonie

Komity fanoratana :
RAZAFINDRANGALY Ninie
RAKOTOARIVELO Tojo hery

RAZAKA Ianjanaina
RAMARO Rojo
RASOAVELOSON Jocelyn
RANDRIANASOLO Haja
ANDRIANTSILAVO Harinjaka
Mampianina

RAHANTRAMALARISOA
Ralantoharimanana
Vonifanjainaina Robertine
RAVELOARIAONA Fanja

ANDRIANARIJAONA
Olimala Livaharisoa
Malala Andriniaina
RAVELONARIVO
Harilalaina

ANDRIANTSOAMIHAMINA


Fanitsiana Tsipelinia :
RATSITOARISON Hanta
Mailaka :

fafanagazety@live.fr
Tél. : 034 84 497 64

Printy :
Imprimerie RAJAONARIVONY

Adresy :
Lot IVN 50 A
Ankadifotsy - 101 Tanà
GSM : 033 14 281 27

Fanompoana an-tsary



Fikambanan'ny Loholona sy Diakona Nanavaao ny fanoloran-tenany

Natokana ho Alahadin'ny loholona sy diakona eto amin'ny fitandremana ny Alahady fahatelon'ny volana Desambra. Ny Tenin'Andriamanitra noraisin'izy ireo ho filamatra, dia araka izay hita ao amin'ny Jao 15:16a **"Tsy ianareo no nify Ahy, fa Izaho no nify anareo."**

Fotoan-dehibe izay nitondran'ny Raiamandreny mpi-tandrina sy ny fiagonana manontolo am-bavaka azy ireo. Ho fanamarihana izany dia samy nanao ny akan-jom-panompoany avy izy ireo, nanavaao ny fanoloran-tenany tamin'ny alalan'ny rakitra. Natolotra manontolo ho an'ny FJKM Berenty moa io rakitra io, izay anaovana ny fanaka Masina any an-toerana, izay tsangambato tamin'ity taona ity. Ny hira FF 2, andininy 1 sy 3, no noredon'inizy ireo ho marik'izany fanoloran-tenany izany.

Nandray anjara fitenenana tamin'izany ny filohan'ny FLD Atoa Ramilison Harifidy, nampahafantatra ny asam-panompoana tanterahan'ireo loholona sy diakona ireo eto amin'ny fitandremana, nomarihany ihany koa fa isaky ny alahadin'ny FDL dia hanao rakitra fanoloran-tena izy ireo, izay hanaovana tsangambato ka ho atolotra ny fiagonana hatrany.

